

Augsburg, 9. April 1563

An Johannes Oporinus

UB Basel, Fr. Gr. I 11, fol. 259r.
Steinmann Nr. 751.

<S.> Cum haec, vrgente tabellario, scriberem, nostrates Bibliopolae nondum huc redierant. An verò commentariolos meos in Officia Ciceronis vnà cum literis acceperis, per hunc tabellarium me certiorem reddas velim. Nec enim Basilea discessurum ante aduentum tuum arbitror. Plura de meis rebus quae scribam, non habeo. Sed D. Gundelius suum Chalcocandylae autographum repetit. Quod te prima quaque occasione huc remittere, si nondum id factum est, D. Ioannes Fuggerus cupit. Is noticiam sibi tecum intercedere negat. Quid verò, si literas ad eum dederis, teqüe bono studio dedicasse Chalcocandylen demonstrans, petas, vt voluntatem tuam aequi bonique faciant? Nihil praescribo prudentiae tuae. Sed, si meliorem μεσότην non habebis (habebis autem longè meliorem D. Carinum nostrum) ipse literas offeram, et occasione data (sine qua nihil sanè possum) causam tuam pro amicitia nostra agam. Vale. Augustae Vindelicorum 9 Aprilis 1563.

Hiero[nymus] Wolfius
Tuus.